



Broj: 04-40-1-305/24
Sarajevo, 01.11.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 31.10.2024. do 08:30 sati 01.11.2024. godine

Štab civilne zaštite Kantona Sarajevo (u daljnjem tekstu: Štab) je dana, 31.10.2024. godine održao vanrednu sjednicu na kojoj je razmatrana Odluku Općinskog načelnika Općine Stari Grad Sarajevo o proglašenju stanja prirodne nesreće od klizišta na području Općine Stari Grad Sarajevo i Plan evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ „Širokača“, ulica Bostarići i Ablakovina, Općinskog štaba civilne zaštite Općine Stari Grad Sarajevo (u daljnjem tekstu: Plan evakuacije i zbrinjavanja stanovništva). S obzirom da je Planom evakuacije i zbrinjavanja stanovništva utvrđeno, da će evakuisano stanovništvo sa ugroženih područja Općine Stari Grad Sarajevo, MZ Širokača, ul. Bostarići i Ablakovina, biti smješteno u objekte na područje općina: Centar Sarajevo, Novo Sarajevo i Novi Grad Sarajevo, Štab je donio naredbu kojom se naređuje općinskim štabovima civilne zaštite: Centar Sarajevo, Novo Sarajevo i Novi Grad Sarajevo da u saradnji sa Općinskim štabom civilne zaštite Općine Stari Grad Sarajevo, na osnovu Plana evakuacije i zbrinjavanja stanovništva, a u skladu sa članom 66. stav (1) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), izrade Plan prihvata evakuisanog stanovništva i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina u objekte navedene u Plana evakuacije i zbrinjavanja stanovništva i iste dostave Štabu do 14:00 sati dana, 01.11.2024. godine, kako bi Štab u skladu sa svojim nadležnostima poduzeo mjere i aktivnosti koji se odnose na evakuaciju stanovništva.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su tri manje intervencije i to: jednu na gašenju kabastog otpada, jednu na gašenju zapaljenog smeća u kontejneru i jedno obezbjeđenje aerodrom.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije.

a) Lokalitet "Curine njive" – Opština Istočni Stari Grad i Općina Stari Grad (Bostarići)

Izlaskom na lice mjesta u više navrata u toku dana 31.10.2024.godine uočeno je da su na terenu i dalje prisutne duboke pukotine te da dolazi do pojave oticanja vode iznad lokaliteta "Curine njive-igralište" (dio Opštine Istočni Stari Grada Sarajevo).

Također je utvrđeno, da iznad dijela parcele igrališta na lokalitetu "Curine njive", a što predstavlja donju tačku nasipa/deponije od strane gradilišta "Trebević Hills" (sa lijeve strane), dolazi do pojava vode koja konstantno otječe, a ista ne predstavlja kišnicu ni oborinske vode sa padina Trebevića. Na predmetnom lokalitetu ne vrši se odlaganja nove količine zemljanog i kamenog materijala.

Dana, 31.10.2024.godine u prostorijama Općine Stari Grad Sarajevo, održan je sastanak sa predstavnicima savjeta MZ "Širokača", a u vezi Zaključaka Općinskog štaba civilne zaštite sa 5.vanredne sjednice od 30.10.2024.godine te su isti upoznati o stanju na predmetnom lokalitetu kao i daljnjim aktivnostima koje se planiraju poduzeti.

b) Lokalitet Bistrički potok – Općina Stari Grad (Boguševac) i Opština Istočni Stari Grad

Izlaskom na lice mjesta dana 31.10.2024.godine uočeno je da je i dalje djelimično zasuto korito Bistričkog potoka, materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 4°C, vlažnost zraka 90%, barometarski pritisak 952,3 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a